

誅剪邪精惡賊賊滅無餘仰荷弘濟因極之恩宜勅明威奉行神呪

次呪曰

天尊具淨法治鬼護群生甲子萬病下壬辰億鬼行黃瘟鍾士季赤夏侯嬰急却離壇陌不得傍門庭吾有十將軍兩眼如流星朝夕專敬鬼醫碎無全形

次頌曰

下方無際運 冥冥劫修長 仰願三天上 朗朗暉三光 今日欲然燈 十真禁魔王 靜風勿令雨 道士遊帝鄉 玉女啓三光 六度觀上皇 今日集法師 神仙振十方 至心歸命敬禮

次向西南方人門三禮訖

臣等謹為某家建齋行道救治疾病驅遣魔瘟禳災却害以是功德乞謝某家存亡千愆萬罪並乞原除勅遣十方天丁三十六天力士覆護某家六親大小男女良賤隨所救護之處禁諸疫鬼不得擾亂收除客死雲中

李子秋大殃走死六畜人形五木百魅蠻夷氏蝦羌胡僞虜山上下水中火中門戶井窳宅舍牆籬萬種之鬼一切剪除蕩散消滅入地千丈隨時陷沒無有遺餘一切懼秦仰荷聖恩宜勅明威奉行神呪

次呪曰

太上金口勅要誓一切魔營來午未庚其時疫癘多了勤取男女石母害雞鵝法師轉經處邪精不得過受持三洞人免度萬文改殺鬼鬼盡滅救病病無他

次頌曰

中央戊己神 黃帝統四維 今日建大齋 萬惡不敢希 停風不動條 雨散三光輝 道德因此弘 至真大依 天女執命魔 十絕殺邪非 功積昇玄都 福慶高巍巍 財寶五家分 作福神自歸 妖祥悉伏匿 善惡執告誰 玄朗虛中散 鳴鼓不自疑 勅魔一切妖 試者汝自衰 太上金口勅 不從死怨誰 太上洞淵三昧神呪齋懺謝儀

二儀同卷

太上洞淵三昧神呪齋清旦行道儀
太上洞淵三昧神呪齋十方懺儀

凡

太上洞淵三昧神呪齋清旦行道儀

廣成先生杜光庭附定

於玄師前立班定唱道

運場衆等人各運心歸命三寶

次華夏讚引

次入戶呪

次上五方香

次上御案香

次各禮師存念如法

次衛靈呪

次鳴法鼓二十四通

次發爐呪

太上玄元五靈老君當召功曹使者左右龍虎君捧香使者三氣正神急上開啓三天太上玄元道君臣今正爾燒香奉為齋官某乙

備太上洞淵三昧神呪大齋攝護人天消穰災沙願得

太上十方正真生氣降流且等身中所啓速達徑御

太上玄老至真無極大道太一玉皇帝御前入各三禮

次各稱法位

上清玄都大洞三景弟子無上三洞法師奉行三昧神呪大齋法事恭獻恭帝先生小兆真人臣某等同誠上啓

虛無自然元始天尊無極大道太上大道君無上玄老太上玄元老君已得道大聖眾至真諸君丈人通玄洞淵三昧神呪三十六部尊經玄中大法師上元太一空洞三天太真萬聖道主二十四高尊十方真人天仙地仙真仙飛仙五嶽神仙諸天至極三寶威神隨機應感三界真靈巨等夙荷玄休叨佩大法尊經寶訣得以稟脩而盟告之辰約當宣化輔贊邦國濟護天人普及幽明咸令開度况奉詞旨敢不上聞

次讀詞

按如詞言義惟丹切虔脩齋直請福希恩且等恭職玄司所宜運副是用肅嚴香燭敷列壇場依太一天尊玄老具典奉修洞淵三昧神呪大齋夙夜翹動轉經行道請五方上帝及天官吏兵三洞威神龍虎騎乘驅除妖逆掃蕩氛邪布氣行神降伏魔祟消災致福助道宣成天地真靈應時感降以今清旦行道初捨上香歸身歸神歸命大道且等首體投地歸命

太上三尊以是功德歸流社稷尊靈宗祧先聖昇真紫闕騰景清都乘鳳輦以徊翔福龍圖於延永地廣於堯封禹跡祚隆於周曆漢年二象和寧三光昭朗得道之後昇入無形和與道合真

以今三捨上香歸身歸神歸命大道且等首體投地歸命

太上尊經以是功德上祝

皇帝二儀並固三景齊明仁格堯湯化超羲皞后妃嬪主太子諸王德贊紫宸功扶皇極

文武卿佐中外職僚敷恩澤以無私致雍熙而成化干戈永戢水旱不興疫毒無侵休祥允萃八林九野克臻清靜之風自幽及明共觀昇平之運得道之後昇入無形和與道合真

以今三捨上香歸身歸神歸命大道且等首體投地歸命

太上三師以是功德歸流弟子恭家九玄七祖一切幽靈釋罪地司生神天府究仇和解罪豐消平恭家眷屬六親同臻福祐前生今世往債宿瑕俱乘懺謝之緣盡息災凶之咎具靈祐護道德巨扶厄運消邪魔摧蕩天兵神將介福垂祥得道之後昇入無形和與道合真

次禮方

次懺方

次於鬼門上存神命魔寇呪

次步虛旋行三周

次三禮

至心稽首太上無極大道

至心稽首三十六部尊經
至心稽首玄中大法師

次重稱法位

具法職奉行三昧神呪大齋法事某獄先生
巨某等謹重上啓

太上無極大道無上玄老太上玄元老君洞
神洞淵洞玄洞真三昧神呪經寶威神天仙
地仙真仙飛仙五嶽神仙十方真人已得道
大聖眾至真諸君丈人三界官屬一切尊靈
巨等叨承福會獲復法門參佩寶經洞淵大
法職當宣弘妙旨濟度人天佐國立功奉揚
正化某官某乙請修無上神呪大齋款列壇
場精靈信幣轉經行道燒香燃燈懺謝罪尤
解消災咎關告三界延降萬神請千二百官
天兵將吏誅除妖惡摧伏冤魔懣懇冥心以
期通感伏惟

太上洞淵三昧神呪齋清旦行道儀

曹陰陽之府蘇濟之內水火之司或訟逮所
延考罰所注致招災咎祈謝無由或穢慢三
光輕凌四大明干禁忌幽觸神祇結固纏綿
不可憶識因今懺謝並乞蕩除賜寬債和平
愆尤除滌原銷觸犯超度災凶罪對幽淵咸

蒙赦宥從容天界鍊化福庭垂祐延祥永隆
嘉祚若有災疾即以此用今以國土居宅之內
疫毒流行赤子數斃坐罹凶橫仰祈玄祐愍
濟生靈且按三天法師正一科品誅邪制鬼
收束魔靈謹為某官某乙謁請無上高倉君
五人兵士十萬人主為收除三丘五墓之鬼
謁請天曹運氣君五人兵士十萬人主收除
某家百二十禁忌刑殺嫉妬之鬼謁請都曹
正氣素車白馬君五人兵士十萬人主收除
某家眾邪妖精禍害之鬼謁請考召君五人
兵士十萬人收除某家下官故氣土精月食
之鬼謁請運氣解患守宅君五人官將百二
十人兵士十萬人主收除某家新宅故宅五
毒百病逆氣之鬼謁請天上咎逆君五人官
將百二十人兵士十萬人主收除某家耗害

精邪招引外魔盜賊之鬼謁請廣司君五人
官將百二十人兵士十萬人收除某家十二
月位破殺虛耗之鬼謁請北城詔命化喻誅
議君五人官將百二十人兵士十萬人收除
某家北將破王之鬼謁請天心刺史從事一

千二百人兵士十萬人主收除某家時行五
毒瘟疫氣病剝剔之鬼謁請平天君五人官
將百二十人兵士十萬人收除某家刑禱呪
詛房廟考氣之鬼謁請無上太和君五人官
將百二十人兵士十萬人收除某家魍魎野
道五部兵獵遊拜之鬼謁請收神上明君五
人官將百二十人兵士十萬人收除某家耗
亂人神恐動魂魄夢寐不安之鬼一十二部
天官吏兵一合具官應時臨降周市庭宇羅
列八方上震雷霆旁布行陣於宮宅內外搜
捕奸邪剪穢誅凶焚蕩妖沙六天故氣眾老
之精千鬼萬神五方疫毒魍魎光怪中外強
殫宿考流殃及土公害氣星燭復連咎注非
尸新死故亡雌雄逆殺刑禱之氣妬鬼媚神
收滅誅鋤永令斷絕陰陽主宰一切正神安

鎮方隅辟斥邪妄若有犯干禁忌驚擾龍神
祈謝修禮迴凶就吉七十二位刑德眾神助
道安人祛災致福罪咎蠲釋疾厄無侵或云
九世七玄生天證道克臻積貺常保安寧言
功之辰加爵進賞若和家即自上願乾坤昭

泰日月貞明五緯順常萬方康樂帝圖隆固
聖壽遐長杜稷尊靈宗祀先聖惟昌寶曆乎
祐寰區臣任忠貞黍稷豐稔兵戈自戢符瑞
彰聞萬國朝宗窮荒入貢某家道氣流布善
力資薰嘉作日新親緣同福三徒六趣蠢動
飛沉聖澤所覃普天全濟上明
天尊太慈之施下副巨眾等懺謝之誠謹啓

次十二願
次復爐呪
次學仙
次出戶呪
次玄師前上香
次回向讚
次彈指散如常儀
太上洞淵三昧神呪齋清且行道儀

太上洞淵三昧神呪齋十方懺儀

廣成先生杜先庭則定

東方

臣等謹為齋主某甲等修建洞淵三昧神呪
大齋行道禮懺救療災疾却禍祈恩伏願

太上垂慈諸天愍育勅下十方主者大梵天
王殺鬼吏兵祛災力士齊臨法席俱到道場
為齋主收逐魔精驅斥鬼祟勾盈子等徒侶
所行眾災速賜剪除臣持齋主百病除愈千
殃滂消增續年齡超騰祿位九玄昇度七租
道適合宅安貞良賤康泰得如所願仰荷玄
恩

呪曰

東方蒼老君 號曰勾芒靈 梵汝遊太空
蒼蒼拂玉京 大乘總三天 眾真統魔兵
八音備十地 九龍雲輿迎 建齋立大功
長夜自光明 正道法鼓振 百邪悉摧傾
魔王來稽首 敢試滅其形 善神擁門戶
力士交萬靈 道氣廣流布 家親咸安寧
疫毒皆消盡 萬民悉長生 相與弘至道

俱遊紫鳳城

南方

臣等謹為齋主某甲等修建洞淵三昧神呪
大齋行道禮懺救療災疾講福祈恩特願
大聖弘慈眾真垂祐遣天丁力士赤殺天兵
收逐魔孽滅却焦氏九子等眾所行災疾一
切凶殃並願攝毒收精各還方位當使齋主
等疾愈痊愈魂魄清安算壽增延祿位超進
先亡往逝免脫幽途合宅安康良賤貞吉得
如所願仰荷玄恩

呪曰

南方天帝君 八表號閻浮 飛軒駕雲與
十直三天遊 玉女乘霄唱 金光臨丹丘
今日轉法輪 梵響振九嶠 天魔勅魔兵
風舉自然休 晃晃三光暉 百邪殺九幽
敢有干試者 力士斬其頭 諸天帝王子
殺鬼氣不流 故有強梁者 灌湯煮其軀
千千悉斬首 萬萬不得留 興齋攝魔精
魘魘次吹收 大道威嚴重 神風拂邪妖
鬼疫既消盡 萬民無災憂